



# COV LUS QHIA RAU TUS NEEG UA NTAWV THOV KEV TUAV POV HWM (INSURANCE)

## KEV KUAJ SEB PUAS MUAJ MOB YOG DAB TSI?

Kev kuaj seb puas muaj mob yog ib qho kev sib tham nug koj txhawm rau qhov muab kom tau cov ntaub ntawv hais txog koj li keeb kwm kev mob nkeeg. Qhov kev sib tham nug koj li no yuav tham hauv lub xov tooj los yog tham kiag nrog tus neeg tim ntsej tim muag thaum lub sij hawm kuaj koj. Cov ntaub ntawv uas muab tau los no yuav pab tau lub tuam txhab muab kev tuav pov hwm (insurance company) los mus ntsuam xyuas kom paub mee txog koj txoj kev noj qab haus huv tam sim no. Qhov kev kuaj mob no feem ntau yog yuav ntsuam xyuas txog qhov siab, qhov hnyav, kuaj ntshav thiab mem tes ntoj sau cia rau hauv ntaub ntawv. Tsis tas li ntawd xwb, qhov kev kuaj kuj tseem muaj xws li kev tso ntshav coj mus kuaj, kev tso zis coj mus kuaj, kev muab aub ncaug coj mus kuaj, thiab kev siv hluav taws xob ntsuas lub plawv dhia (electrocardiogram, EKG) nyob ntawm seb lub tuam txhab muab kev tuav pov hwm cov lus qhia yog li cas.

## LUB SIJ HAWM KUAJ KHWV YEES NTEV NPAUM CAS

Kev tso ntshav kuaj thiab kev tso ntshav kuaj siv sij hawm li 10 mus rau 20 feeb

Kev kuaj seb puas muaj mob, kev tso ntshav kuaj thiab kev tso zis kuaj siv sij hawm li 20 mus rau 30 feeb

Kev kuaj seb puas muaj mob, kev tso ntshav kuaj, kev tso zis kuaj thiab kev EKG siv sij hawm li 30 mus rau 45 feeb

## QHOV KEV KUAJ MOB NO YUAV UA NYOB RAU QHOV TWG?

ExamOne cov kws tshaj lij yuav tuaj ua qhov kev kuaj mob nyob rau tom koj tsev, tom chaw ua hauj lwm los yog ua nyob rau hauv ExamOne los yog Quest Diagnostics ib qho chaw twg uas yooj yim rau koj.

## YOG HAIS TIAS YUAV TAU TSO NTSHAV NE?

Yog hais tias lub tuam txhab muab kev tuav pov hwm yuav kom tso ib qho ntshav mus kuaj, ces ExamOne yuav muaj ib tus kws tshaj lij uas tau kawm txog kis no los ua tso koj li ntshav mus kuaj. Yuav tsum siv cov koob uas tsuas siv tau ib zaug nkaus xwb, los yog cov koob uas siv tas ces muab pov tseg los mus nqus cov ntshav thiab yuav tsum rau cov hnab looj tes vinyl tas li.

## EKG YOG DAB TSI?

Yog ib qho kev siv hluav taws xob ntsuas lub plawv dhia (EKG) uas thaum hais tias lub tuam txhab muab kev tuav pov hwm kom ua lawm, yus yuav tsum tau ua nyob rau tib lub sij hawm thaum kuaj seb koj puas muaj mob ntawd. Kev siv EKG yog ib

qho kev teev sau txog cov sob hluav taws xob ntsuas koj lub plawv dhia. Qhov kev kuaj no feem ntau tsuas siv sij hawm ntev tsis tshaj li 10 feeb xwb tiav lawm.

## YUAV MUAJ DAB TSI TSHWM SIM THAUM KUAJ MOB TIAV TAG LAWM?

Yuav muab cov ntaub ntawv kuaj mob thiab lwm yam ntaub ntawv xa mus rau lub tuam txhab muab kev tuav pov hwm. Yuav muab cov qauv ntshav thiab lwm yam xa mus rau peb qhov chaw kuaj kab mob (laboratory) los yog lwm qhov chaw kuaj kab mob uas ua tau txoj hauj lwm no thiab yuav muab cov ntaub ntawv uas kuaj tau ntawd xa mus rau lub tuam txhab muab kev tuav pov hwm txheeb xyuas. ExamOne cov kws tshaj lij yuav paub tsis txog qhov kuaj tau los ntawm yam (cov) khoom uas xa mus kuaj rau tom lub chaw kuaj kab mob thiab yuav tsis tau txais cov ntaub ntawv ntsig txog qhov kuaj tau ntawd.

## COV LUS QHIA RAU TUS NEEG UA NTAWV THOV:

Yuav kom kuaj tau zoo thiab mee tseeb, koj yuav tsum tau:

- qhia txog lub npe tshuaj thiab cov tshuaj uas koj noj tseem niaj hnuv noj tam sim no seb noj npaum cas

- Qhia txog lub npe, chaw nyob thiab xov tooj ntawm cov kws kho mob los yog tsev kho mob uas koj tau mus ntsib 5 lub xyoos dhau los.
- Qhia txog daim ntawv teev cov kev mob nkeeg uas koj muaj los yog cov ntaub ntawv kuaj mobuas paub tias koj muaj tus mob ua ke nrog rau hnuv uas kho tus mob, kev kho tus mob, cov ntaub ntawv qhia tias kho tau tus mob zoo li cas lawm, thiab cov ntaub ntawv qhia txog tus kws kho txoj kev kho tus mob ntawd.
- Npaj kom muaj koj ib daim duab ID thaum lub sij hawm tuaj mus kuaj mob ntawd.
- Npaj kom muaj cov ntaub ntawv uas tau xa tuaj rau koj kom txhij thiab muab rau tus kws kuaj koj tshwj tias ntshe koj tus neeg sawv cev ho tau hais rau koj lwm yam lawm xwb.
- qhia txog txhua yam keeb kwm ntawm tej teeb meem uas muaj feem xyuam txog qhov kev muab qauv coj mus kuaj ntawd.
- Zam txhob sib zog muab lub cev qoj ua ub no hnyav heev nyob rau 12 xuaj moos ua ntej qhov kev kuaj mob no.
- Cai tsis txhob noj ntsev daw thiab cov khoom noj uas muaj cholesterol ntau kom tsawg

nyob rau 24 xuaj moos ua ntej ua qhov kev kuaj mob no.

- tseg txhob haus dej cawv yam tsawg kawg 12 xuaj moos ua ntej lub sij hawm uas tau teem rau koj.
- Caiv kev haus cov dej muaj caffeine thiab luam yeeb nicotine kom tsawg nyob rau 1 xuaj moos ua ntej lub sij hawm uas tau teem rau koj.
- Haus ib khob dej li 1 xuaj moos ua ntej lub sij hawm uas tau teem rau koj.

Yog hais tias tau muaj lwm yam kev kho mob muab rau koj lawm, thov qhia rau ExamOne Quality Assurance paub tam sim ntawd uas yogh u rau tus xov tooj 1-800-873-8845 Ext. 1303.

### **Tau Teem Ib Lub Sij Hawm Rau Thaum**

Hnuv Tim:

Sij Hawm:

Qhov Chaw:

ExamOne Tus Xov Tooj: